

SESSION GUIDES

Alternative Learning System- Accreditation and Equivalency (ALS-A&E)

Secondary: Critical Thinking

Pag-unlad Ng Teknolohiya Sa Komunikasyon



USAID
FROM THE AMERICAN PEOPLE



Save the Children®



ASCEND-Mindanao
Assistance for the Comprehensive Educational Development of Mindanao



March 2006

Jointly developed by the DepED BALS and the Save the Children Federation under the ASCEND-Mindanao, a program made possible with the generous support of the American People through the USAID.

Pag-unlad ng Teknolohiya sa Komunikasyon

Session Guide Blg. 1

I. MGA LAYUNIN

1. Nasasabi kung ano ang kahulugan ng teknolohiya ng komunikasyon
2. Natutukoy ang mga katangian ng mga produkto ng modernong teknolohiya ng komunikasyon
3. Natutukoy ang iba't ibang kagamitan ng komunikasyon
4. Nagagamit ang mga kasanayan sa pag-unlad ng pansariling kamalayan sa paglutas ng suliranin at paggamit ng epektibong komunikasyon

II. PAKSA

- A. Aralin 1 : Ang Teknolohiya sa Komunikasyon Ngayon, p. 4-13
Pangunahing Kasanayan sa Pakikipamuhay:
Paglutas sa suliranin, pansariling kamalayan at epektibong komunikasyon
- B. Kagamitan : mga larawan ng mga gamit pang komunikasyon

III. PAMARAAN

A. Panimulang Gawain

1. Magkaroon ng paligsahan sa klase.
2. Pangkatin ang mga mag-aaral sa 2.
3. Bawat pangkat ay bibigyan ng manila paper at pentel pen.
4. Ang bawat pangkat ay mag-iisip ng mga paraan na ginagamit sa pakikipagtalastasan.
5. Ang pangkat na may pinakamaraming naisulat ang mananalò.

B. Panlinang na Gawain

1. Paglalahad

Ipabatid sa mga mag-aaral na ang teknolohiya ng komunikasyon ay malaking pagsulong ang naidudulot sa buhay ng mga tao.


Itanong: Ano ang teknolohiya ng komunikasyon?

2. Pagtatalakayan

Pabuksan ang modyul sa pahina 4-5. Sa pamamagitan ng “Think-Pair-Share” na paraan, talakayin ang nasa Alamin Natin at Suriin.

Ang mag-aaral ay maghahanap ng kapareha. Tatalakayin nila ang isinasaad sa mga araling ito.

Pagkalipas ng 5 minuto, tumawag ng 2 pares ng mag-aaral upang ibahagi ang kaalaman na isinasaad na aralin.



Pagkatapos ng pagbabahagi, hatiin muli ang klase sa 2 pangkat. Magkaroon ng “small group discussion”. Bawat pangkat ay pipili ng aralin na tatalakayin. Pabuksan ang modyul sa pahina 6-10. Talakayin ang mga sumusunod:

- katangian ng mga produkto ng modernong teknolohiya sa komunikasyon
- mga gamit sa komunikasyon
- Bigyan ng 15 minuto ang mga mag-aaral sa bawat pangkat upang matalakay ang mga aralin.
- Ipabahagi sa buong klase ang aralin na tinalakay ng bawat pangkat.

3. Paglalahat

Itanong sa mga mag-aaral ang mga sumusunod:

- Ano ang teknolohiya ng komunikasyon?
- Anu-ano ang mga pangunahing kagamitan ng komunikasyon?
- Paano nakatutulong ang mga gamit na ito sa ating buhay o gawain?

4. Pagpapahalaga

Sa pamamagitan ng “circle response”, ang mga mag-aaral ay papagbigayin ng sarili nilang opinion o saloobin tungkol sa kahalagahan ng teknolohiyang pangkomunikasyon sa ating pang-araw-araw na buhay.

Itanong:

Paano nakatutulong ang modernong komunikasyon sa ating buhay?

5. Paglalapat

Itanong sa mga mag-aaral kung anu-anong mga makabagong gamit sa komunikasyon ang kanilang nakita na at nagamit. Ganyakin ang mga mag-aaral na ipaliwanag sa klase kung paano ito nakatutulong sa larangan ng komunikasyon.

IV. PAGTATAYA

Pasagutan ang pagsasanay sa pahina 12 ng modyul.

Sa pagwawasto, humanap ng kapalitan ng papel upang malaman ng bawat isa ang wastong kasagutan sa bawat bilang.

V. KARAGDAGANG GAWAIN

Ipasagawa ang 'Subukan Natin Ito' sa pahina 11 ng modyul.

Pag-unlad ng Teknolohiya sa Komunikasyon
Session Guide Blg. 2

I. MGA LAYUNIN

1. Naiisa-isa ang mga nauusong teknolohiya sa komunikasyon
2. Natatalakay ang mga problemang nakakaharap sa paggamit ng modernong teknolohiya sa komunikasyon
3. Naisasagawa ang mga kasanayan sa pakikipagkapwa at paglutas ng mga suliraning pang-araw-araw

II. PAKSA

- A. Aralin 2 : Ang mga Kasalukuyan at Hinaharap na Hamon ng Teknolohiya ng Komunikasyon, p. 14-21
Pangunahing Kasanayan sa Pakikipamuhay:
Paglutas sa suliranin at pansariling kamalayan
- B. Kagamitan : metacards

III. PAMARAAN

A. Panimulang Gawain

Balik-Aral / Pagganyak: Gumamit ng “Pantomime”

Panuto:

- Pangkatin ang mga mag-aaral sa 2.
- Pumili ng isang mag-aaral na magaling umarte.
- Sa pamamagitan ng pag-arte ng mag-aaral sa paggamit ng mga kagamitang pangkomunikasyon, mag-uunahan sa paghula ang 2 pangkat tungkol sa iba’t ibang gamit pangkomunikasyon tulad ng radio, t.v., telepono at iba pa.
- Ang pangkat na may pinakamaraming tamang sagot ang mananalo.

B. Panlinang na Gawain

1. Paglalahad

Ipabasang isa-isa sa mga mag-aaral ang mga sumusunod na nakasulat sa metacard. (two-way radio, cellular phone, fax machine, internet)

Itanong:

Alin sa mga gamit na ito ang nasubukan na ninyong gamitin?
Paano ito nakatulong sa inyo?
Paano kaya ito makatutulong sa pamumuhay?

2. Pagtatalakayan

Sa pamamagitan ng “group discussion”, talakayin ang mga sumusunod na aralin:

- a. networks
- b. pagpapadala at pagtanggap ng mga devices
- c. hamon na hinaharap ng teknolohiya sa komunikasyon
- d. Pangkatin ang mga mag-aaral sa 3. Bawat pangkat ay bubunot ng aralin (nasa itaas) na tatalakayin.
- e. Pagkaraan ng 10 minuto, ibabahagi ng bawat pangkat sa lahat ang kaalaman na natutunan sa pagtatalakayan.
- f. Magkakaroon ng malayang talakayan ang buong klase pagkatapos ng pagbabahagi ng bawat pangkat.

3. Paglalahat

Itanong ang mga sumusunod:

- Ano ang 2 pangunahing pagpapaunlad na nangyari sa teknolohiya ng komunikasyon?
- Anu-ano ang mga problema na maaaring maidulot ng teknolohiya kapag di ito nagamit nang wasto? Ipaliwanag.

4. Pagpapahalaga

Paano maipakikita ng mga mag-aaral ang kahalagahan ng mga modernong teknolohiyang pangkomunikasyon sa pang-araw-araw na buhay? Bayaang ipaliwanag ito. Ipabasa ang ‘Ibuod Natin’ sa pahina 21.

5. Paglalapat

Magkaroon ng pagbisita ang buong klase sa isang internet café kung may pagkakataon at kung mayroon nito sa kanilang lugar. Dito maipamamalas sa mga mag-aaral ang tunay na kaalaman sa tinalakay na aralin. Magkakaroon ng pagkakataon na makita at magamit ang mga kagamitan nang aktwal.

IV. PAGTATAYA

Pasagutan ang pagsasanay sa pahina 19-20, Alamin Natin.

V. KARAGDAGANG GAWAIN

Maghanda ng isang pag-uulat sa klase tungkol sa karanasan sa paggamit ng modernong teknolohiya sa komunikasyon. Ibatay ang kalagayan ng buhay noong wala pa ito at ngayong nagagamit na ang mga ito.